

تقویر و وقت الف

۴۵۵۵

نومرو ۴۰۵۰

بیت علیہ السلام خیرین است

نسخه سی ایکی غروشدرد

جمعه دن ما عدا هر کون نشر اولنور

۴ کانون ثانی ۱۳۳۷

صالی

۲۳ ربیع الآخر ۱۳۳۹

اشبو اراده سنیه نك اجراسنه بحره و حریبه ناظر لری مأموردرد .

۱۹ ربیع الآخر ۱۳۳۹ ۳۰ کانون اول ۱۳۳۶

حریبه ناظر لری و بحریه ناظر لری و کبلی

ضیاء الدین توفیق

صدر اعظم

تذکره

محمد وحید الدین

سر طیب شهر یارانم اطبای بحریه دن میرلوا رشاد پاشانک جهت بحریه دن بریه نقلی اراده ایلم .

تقاعد

محمد وحید الدین

اردو قول اردو	فرقه آلی	طاور بلوک رتبه	کنیه	سجل و باقید نومروسی	حسده اوله جق معامله
۳ مأمور		یوزباشی	اسماعیل افندی ابن حسین اطه پازاری	۵۵۶-۳۱۲	محدید سن قانوننامه سنه توفیقاً اجرای تقاعدی
عموم آچقده		ملازم اول	عبدالعزیز ولی کرکوک	۶۷۲-۳۱۶	» » » »
عموم ژاندارمه قوماندانلی امرندن آچقده در سعادتده ملازمثانی			مصطفی ابراهیم بالیکسر	۷۴۲-۳۲۱	» » » »
لوازمات عمومیہ دائره سنه مربوط طحنیه			اسماعیل عصمت حسن قسطمونی	۲۷-۳۰۹	» » » »
وفرو نراداره سنده					
۱۵ قفقاس ۹	۲۹	۱	الای حساب مأموری محمد صالح	۲۵-۳۱۰	» » » »
آچقده			ابراهیم ادیم علی	۲۶-۳۱۰	» » » »
			محمد حامی مصطفی بارطین	۲۷-۳۱۰	» » » »
۱۲	۵۷	۲	طاور حساب مأموری محمد عمر بروسه	۵۲-۳۱۰	» » » »
ایکی نومرولو دیوان حربنده اعضا برنجی صنف معاملات مأموری مصطفی			عبدالقادر ارزنجان احمد بغداد	۳۱-۳۱۰	» » » »
۲۷ حیف اخذ عسکر شعبه سنده ایکنجی			توفیق خاکی اورفه	۲۴-۳۱۰	» » » »
۸ انشآت قومیسوند			طاور حساب مأموری درویش	۲۴-۳۱۰	» » » »
مالزومه صحیه عسکریه اعمالخانه سنندن آچقده صنایع قدملی یوزباشی رفعت			عاکف وارنه	۲۷۹-۳۰۳	» » » »

واقع اولان طلب واستدعاسنه ومدت معینه نظامیه بی اكمال البسنه بناء قدماً اجرای تقاعدی

طیب قول اغاسی عبده رضا احمد آستانه

شام طب فاکولته سی معلمیندن

یکرمی برنجی الایک اون اوچنجی بلوکنده مستخدم ایکن محاربه ده کی مجروحیت نتیجه سی وقوعبولان معلولیتنه بناء صحیه دائره سی قرار یله اوچنجی درجه دن اجرای تقاعدی

۱۷۳۹۵

احتیاط مسعود افندی ابن عثمان کاظم یوزغاد ملازم اول

آوناقلم مفتشکی بک اوغلی منطقه سنه مأمور آچقده

قطعه سنک ایلری حرکتده سقوط نتیجه سی صاغ الی ایله محاربه ده کی جرحه نارینه دن متولد صول طرف سفلیسنده کی معلولیتندن دولایی صحیه دائره سی قرار یله بشنجی درجه دن اجرای تقاعدی

۷۸۱۸

احتیاط مصطفی محمد عشاق ملازمثانی

قفقاس ۱۰ ۹ ۲

فرق التنجی الایک اون اوچنجی بلوکنده مستخدم ایکن محاربه ده کی مجروحیت نتیجه سی وقوعبولان معلولیتنه بناء صحیه دائره سی قرار یله بشنجی درجه دن اجرای تقاعدی

۶۷۳۲

احتیاط امین حاکی ابراهیم سجاو ملازمثانی

نظارت جلیله اما قید و مراجعت قلمندن آچقده

مرض عضوی قلبه مبتلا اولدیغندن بشنجی درجه دن اجرای تقاعدی

۲۵۰-۳۳۳

ملازمثانی توفیق طاهر پاشا اسکدار

ملغا ق ۱۰ به مأمور اسارتدن کلشدر

قول اردو فرقه آلاى طاوور بلوك

رتبه

كليه

سجل ويا قيد نومروسى

حقيده اولنه حق معامله

برنجى قول اردو امرنده مستخدم ايكن ۱ نيسان ۳۳۶ تاريخده تجديد سن قانوننامه سنه توفيقاً تقاعدى اجرا ايدلش اولان

بالاده كى اسملى حذاستنده محرر اسباب مختلفه دن طولايى برطيب قول اغامسى بر قدملى يوزباشى يوزباشى بر موظف و بر احتياط ملازم اول وايكى موظف وايكى احتياط ملازم نانى ايله بر برنجى وايكى ايكنجى صنف معاملات مأمورى واوچ آلاى ايكى طاوور حساب مأمورينك تقاعد لرينك جراسنى و ۱ نيسان ۱۳۳۶ تاريخده تجديد سن قانونه توفيقاً تقاعدى اجرا ايدلش اولان بر ملازم اولك معلوليت حاضر سنه نظراً بشنجى درجه دن مستحق تقاعد اولدينى تبين ايسنه مبنى تقاعد معاشنك بشنجى درجه دن تخصيصى اراده ايدلم . اشبو اراده سنه نك اجراسنه حربيه ناظرى مأموردر .

۱۹ ربيع الاخر ۱۳۳۹ ۳۰ كانون اول ۱۳۳۶
حربيه ناظرى صدر اعظم
ضياء الدين توفيق

بوشنيش

۳ كانون نانی ۱۳۳۷

Table with columns: اسم و تحویلات, آجيلدى, ارکله قیایى, قیایدی, اک آشامی, اک وقار. Rows list various individuals and their details.

اظهارات

فرمان عالی صورتی

تجارت و زراعت نظارتندن : ۴۷
منتشا سنجاغنك كو بچكز قضاينه تابع بيوك قره آتاج نام ديكر سلطانيه قريه سنده مهر شاه و والده سلطان واقفندن حيدلى چفتلىك داخلنده بالتحري طاهره چقاريلان برقطعه قروم معدنى امتياز نك شرائط مقرر و آتمش سنه مدت ايله تيمه دولت عليه مدن ناتار زاده احمد فهى افندى عهده سنه حاله سى ختنده تجارت و زراعت نظارتندن تنظيم و ارسال اولتان مقاله و شرطنامه لايحه لرى شوراي دولتده

محكوميت

محمد وحيد الدين

قطعه لرندن فرارله مساحاً طاغلرده وقيرلرده طولاشه رق راست كلكدارى يولچىلى صوميق واقامتگاه باصه رق اخذ و غصب ايتك جرملريه مظنون عليهم اولان وحال فرارده بولتان ژاندارمه افرادندن اسپارطه سنجاغنك آغلاسون اولى قريه سنندن بكر اوغللرندن مصطفى بن محمد و ياسين قضاينك قورنوج قريه سنندن رجب بن محمد و اماسيه لى عثمان بن على و آيدى سنجاغندن بوز طاغ ناحيه سنندن حضر اوغللرندن على بن مصطفى و نظاميه افرادندن مملكت و پدر اسملى معلوم اولميان محمد على و شمس الدينك غياباً اجرا قلنان محاكمه لرى نتيجه سنده قانون جزانك آتمش ايكنجى ماده سى ذيلنه توفيقاً در دستلرنده تكرير محاكمه لرى اجرا قلنق اوزره بشر سنه مدتله موقتاً كوروكه قونلرلرينه دائر و يريلن قرار تصديق ايدلشدر .

اشبو اراده سنه نك اجراسنه حربيه ناظرى مأموردر .

۱۹ ربيع الاخر ۱۳۳۹ ۳۰ كانون اول ۱۳۳۶

حربيه ناظرى صدر اعظم
ضياء الدين توفيق

واخيراً مجلس وكلاى فخامده بالتدقيق مندرجاتى موافق اصول وشايدان قبول كوربله رك كيفيت طرف اشرف شاهانه مه عرض ايله لى الاستيدان بر موجب مقاله و شرطنامه امتياز مذكورك مومى ايله عهده سنه حاله سى خصوصه اراده سنه ملوكانه متعلق و شرطنامه بيورلش اولغله مازالبيان مقاله و شرطنامه محتوياتنك حرفياً اجراسنه معلق اولق اوزره اشبو فرمان همون بادشاهانه ام صادر و مذكور مقاله و شرطنامه نك بر ضرورت مصدقه سى ذخي اعطا اولندي حرر فى اليوم الحادى والعشرين من شهر ذى الحجة الشريفه سنة ثمان وثلاثين وثلثمائة والف .

۲۱ ذى الحجة ۱۳۳۸ ۶ ايلول ۱۳۳۶

مجلس مشاخذن :
جهات غير مشروطه دن اسكدارده صولاق ستان محله سنده كاش سلامى على افندى دركاه شريفى پوست نشينى شيبخ عزيز محمود افندى صغير مخدومنى تركله وقوع وفاتنه مبنى اخلال ايدن مشيخت وامامت و خطابات جهتلرينك نيابى ايچون بر ذات تعين ايديله چكندن شهر كانون تاينيك اون بشنجى جمه ايرتسى كوفى مسابقه امتحانى اجراسى مقرر اولديندن طريقت عدله حلوته مشارخ و خلفا سنندن طالب اولان ذواتك بوم مذكورده زوالى ساعت اونده مجلس مشاخذه اثبات وجود ايتلرلى لزومى بيان اولور .

بك اوغلى متصرفلغندن :
صارى يار اورمان جاييت مأمور ساقى عرفان شامى افندى مجلس اداره لوا مأمورين محاكمى هيات مخصوصه سنجه لزوم محاكمه سنه قرار و يريلش مومى اليك اقامتگاهى مجهول بولموش اولديندن اصول محاكمات جزائيه قانونه توفيقاً تبليغ ورقه سى مقامه قائم اولق و اون بش كون طرفنده اعتراض ايديله مملك اوزره اعلان كيفيت اولور .

آياس باشاده حاجى بشير زقاغنده اوچ نومرولو خانه ده ساكنه شاهور خانك مشترك بالجرم اولق صفتيله مجلس اداره لوا مأمورين محاكمى هيت مخصوصه سنجه لزوم محاكمه سنه قرار و يريلش مومى اليك نقل خانه طولاييسيله اقامتگاهى مجهول بولموش اولديندن اصول محاكمات جزائيه قانونه توفيقاً تبليغ ورقه سى مقامه قائم اولق و اون بش كون طرفنده اعتراض ايديله مملك اوزره اعلان كيفيت اولور .

دارالعجزه مديرينندن :
دار لعجزه دروننده كمامك اولبايدى ككشفتنامه و بدل كشفنه كوره محذورلى كوريلن اقسامنك بالا قضايه اجراى تعميرى ايچون كانون تاينيك اون بشنجى جمه ايرتسى كوفى حاله اوليه بكره نجي بخشنه كوفى ده حاله قطعه سنك اجراسى مقرردر . طالبلك دارالعجزه به مراجعتلرى .

دارالعجزه قائم اسكدارده سليمه ده ديوار ديبى جاده سنده ۷ عتيق و ۲۳ و ۲۵ جديد نومرولو (۱۶۱۱) زراغ وسعتنده ك خانه عرصه سى تقرر ايدى چك بدل حدلايق كورلدىكي تقدر برده كانون تاينيك اون بشنجى جمه ايرتسى كوفى حاله اوليه سى و بكره نجي بخشنه كوفى ده حاله قطعه سى اجرا قلمق اوزره بلمازايده صائيله چتدر طالبلك دارالعجزه به مراجعتلرى .

شهرامانى بك اوغلى دائره سنندن :
قاسم باشا نعلنجى يقوشى حريق مملك تنظيم قلان اسقامت خريطه سنك برر نسخه سى دائره قيويسيله قاسم باشاده دباغخنه ميداننده بوليس قره غولى اعلان نخته سنه تعلق ايدلش اولديندن ايله قونونك اون ايكنجى ماده سى موجبجه علاقه دارانك بو باده اعتراضلرى اولدينى صورتده تاريخ اعلانن اعتباراً اون بش كون مدت طرفنده باستندا دائره به مراجعت ايتلرلى اعلان اولور .

استانبول دفتر خاقانينندن :
ايوب سلطان جوارنده اوتاغچيلرده فنجى چلبى محله وسوقاغده ۲۳-۲۵

نومرولى قيوسى و باغچى سى مشترك بكديكرينه متصل ايكى بيك آرشونه قريب باغچى سى ۸ اوطله و مشتعلات سائمه و شبرى يكرى بش ليرا بدل ايجاره متحمل ايكى باب اخشاب خانه نك وكالت دوريه ايله وفاء فراغى مقابلنده مقبوله خانك عثمان افنديدن استقراض ايديله يكى يدى يوز ليرانك تسويه استيفاسى ايچون اوتوز كون ختامنده حاله اوليه اون بش كون صكره حاله قطعه سى اجرا اولتق اوزره مزايده قونلديندن طالبلك يكرى سكر ليرا ي ايتلرلى مستصحباً استانبول دفتر خاقانى مديريننه مراجعت ايتلرلى .

بك اوغلى دفتر خاقانى اداره سنندن :
طوخانه جوارنده محى الدين فنارى محله سنده چوقور حمام جاده سنده ۲۴-۲۶ نومرولو اليوم خراب چوقور جمه نام حمام ايله مشتعلاتندن اولان عرصه و يارم ماصورا صويك اوچ ربع حصه سنك وكالت دوريه ايله وفاء فراغى صورتيله استقراض اولتان بيك ايكى يوز تمش بش ليرا التمش غروشك تسويه اولتماسندن طولايى اوتوز كون ختامنده حاله اوليه اون بش كون صكره حاله قطعه اجرا اولتق اوزره مزايده قونلديندن طالبلك سكر ليرا تأمينات ايتلرله برابر بك اوغلى دفتر خاقانى مأموريننه مراجعت ايتلرلى .

اسكدار دفتر خاقانى اداره سنندن :
اسكدارده طواشى حسن اغا محله سنده قره جه احمد جاده سنده ۴۰۵-۴۰۷ عتيق ۱۳۱ جديد نومرولو مع آخر بر باب خانه نك اون سكر حصه اعتباريله اوچ حصه سنك اجرا قلنان مزايده سنده بش بيك بش يوز غروشده طالبي عهده سنده تقرر ايتش ايسه بدل مذكور حدكفايه ده كورلدىكي جهته حاله قطعه سى تاريخ اعلانن اون بش كون صكره ته تعلق ايدلش اولغله طالب اولانلرك بش يوز غروش تأمينات ايتلرلى مستصحباً اسكدار دفتر خاقانى اداره سنه مراجعت ايتلرلى .

بك اوغلى بدایت برنجى حقوق محكمه سنندن :
غزاروس چناربان افندى طرفندن اقامتگاه حاضرى مجهول بولتان آخوخ بانوس افندى عليه نه ديار بكر ولايتى داخلنده پالو قضاينه تابع هوشين قريه سنده واقع معلوم الحدود بر قطعه معدنك ايشلنماسنندن طولايى سكر بيك ليرانك تحصيلى حاوى ۲۳ كانون اول ۳۳۶ و ۹۱۰ عدديله صادر اولان اعلامك صورت مصدقه سى اصولاً محله سى مختارينه توديع بر ضرورتنده محكمه ديوانخانه سنه تعلق ايديله يكى تبليغ عد اولتق اوزره اعلان اولور .

درسعادت ايكنجى تجارت محكمه سنندن :
سلجان سرى و بوركى الفتريادى شركتتك استانبولده شهراميننده يكي فرونده مقيم اسماعيل حقى امدى ذمتنده معلوف اولان درت يوز اون يدى ليرا و اوتوز يدى غروشك تحصيلى حكمنى حاوى محكمه دن صدور ايدن ۲۷ كانون اول ۳۳۶ تاريخ و ۵۶۸ عددلى اعلام غيابينك صورت مصدقه سى مدعى عليه اسماعيل حقى افنديك فى الحال اقامتگاهى مجهول اولوب تبليغ ايديله مدعى جهته اصول محاكمه حقوقيه قانونك ۳۶ نجي ماده سنك معطوف عليه اولان ۲۶ نجي ماده سنه توفيقاً تبليغ عد ايدلك اوزره محكمه ديوانخانه سنه تعلق و كيفيت اوراق حوادله اعلان اولور .

درسعادت بدایت محكمه سى برنجى حقوق دائره سنندن :
بيك اوچبوز ليراي عثمانى آلتون آتچنك تحصيلى طلبيله عايشه صديقه خانك جراح باشاده مكتب زقاغنده ۳ نومرولى خانه ده ساكن خليل بك ابن هدايت بك عليه نه متصدى اولدينى دعوان طولايى لاجل الحاق كه تنظيم اولتان دعوتيه ورقه سى مومى اليك اقامتگاهى مجهول اولسندن طولايى تبليغ ايديله ماموش اصول محاكمه حقوقيه قانونك يكرى آلتنجى ماده سى حكمنه توفيقاً اعلانا تبليغات اجراسنه قرار و يريلش اولغله بوم محاكمه اوله رق تعين قلنان ۷ شباط ۳۳۷ تاريخنه مصادف بازار ايرتسى كوفى زوالى ساعت برده مدعى عليه ك بالذات محكمه ده حاضر بولموش و باعلى اصول بر وكيل اعزاز الميسى لزومى و عكس تقديرده بالطلب غياباً محاكمه اجرا قلنه چنى اعلان و بيكيدن تنظيم اولتان دعوتيه ورقه سى اولبايدى ك استندا صورتيله برابر محكمه ديوانخانه سنه تعلق اولور .

وضع ایدلمش و تاریخ اعلاندن اعتباراً قرق بشکون مدته احواله اولیه سی اجر قلنه جفندن طالب اولنلرک و فضلہ معلومات المی ایستینلرک محکمہ نك اجرا قسمنه مراجعت ایللری .



یکی کوی صلح محکمہ سندن : ٥٢
مادام حربقیا و دسپینانک مشترکاً متصرفه اولوب ازاله شیوعی قرار کیر اولان بوغاز ایچنده یکی کویده ایانیقوله محله سنده ضربخانه سوقاغنده الی نومرو ایله مرقم بر طرفی مارپورا منزلی و ایکی طرفی قالیونجی یاقومی منزلی و طرف رابی طریق عام ایله محدود تخمیناً یوزاللی ارشون عرصه اوزرینه مبنی الت قانده برطاشلق بر مطبخ بر اوله بر ایدستخانه و اورته قانده ایکی اوطه بر صوفه و اوچنجی قانده ایکی اوطه بر صوفه بر ایدستخانه و بر در اجه بی وارقه طرفده تخمیناً سکسان ارشونی متجاوز سدی بیجه بی و مشترک قیوی جاری و دکره نظارت فوق العاده بی محتوی مجدد بر باب خانه نك تمامی ٢٥ کانون اول ٣٣٦ تاریخندن اعتباراً قرق بش کون مدته مزایده وضع ایدلمش اولدیغندن طالب اولنلرک یوزده اون پی ایچه صنی مستصحباً یکی کوی محکمہ صلحیه سی اجرا دائره سنه لزوم مراجعتلری اعلان اولنور .

٥١
خلوصی و طاهر افندیلر ایله ادیب و قدری بکار و امینه و عایشه خانلرک شایعاً متصرف اولوب ازاله شیوعی قرار کیر اولان میر کونده موقتخانه جاده سنده بر طرفی فاطمه خانک دکانی و بر طرفی فاطمه خانک خانه سی و بر طرفی لیل خانک کیکچی دکانی و طرف رابی میر کون جاده سیله محدود و اونوز ایکی ذراع ایکی پارمی عرصه اوزرینه مبنی و ماهیه در تیوز غروش ایجاره متحمل بر باب دکانک تمامی ١٥ کانون اول ٣٣٦ تاریخندن اعتباراً قرق بش کون مدته مزایده وضع ایدلمش اولدیغندن طالب اولنلرک یوزده اون پی ایچه صنی مستصحباً یکی کوی محکمہ صلحیه سی اجرا دائره سنه لزوم مراجعتلری اعلان اولنور .

اسکدار اجرا دائره سندن : ٨٧٢٢
جهت اقراضدن اسکدار خزینة مالیه سنه مدیون حمدی بکک تحت حجزه التان بشکطاشده آشوقیه محله سنک کاغد خانه جاده سنده کاش عتیق قرق درت و جدید یوز الی نومرو ایله مرقم اولوب مقدما خانه ایکن بالاخره محترق اولسته مبنی الیوم عرصه حالنده بولانان جنتمکان سلطان بایزید خان حضرتلری وقتندن کاغد خانه جاده سی اعتبارله جانب بمینی صادق پاشا ورثه سی خانه و باغچه سی و جانب یساری احمد فاضل پاشا ورثه سنک محترق خانه عرصه سی و ارقه سی قرده غولخانه سوقاغیله محدود و دروننده بر صو صهرنجی و بر صو قوبوسی و یکرمی ارشون طول و ایکی ارشون ارتفاعده طاش دیواری و طقوز عدد اشجاری محتوی تخمیناً طقوز یوز ارشون مقدارنده کی محل اعشار نظامنامه سنک التمش اوچنجی ماده سنه توفیقاً تاریخ اعلاندن اعتباراً طقسان بر کون مدته مزایده وضع ایدلمش و طقسان برنجی کونی احواله اولیه سنک اجراسی مقرر بولنمش اولدیغندن طالب اولنلرک ودها زیاده معلومات آلمی ایستینلرک مدت مذکورہ طرفنده پی ایچه سی اولان در تیوز اون بیچی لیرایی مستصحباً اسکدار اجرا دائره سنه مراجعت ایللری اعلان اولنور .

٢٨
فاخ صلح محکمہ سندن :
بیکباشی حسن تحسین بک ایله افاقت و جیله خانلرله حسن تحسین و علی خلوصی و علی رضا افندیلر و اسما خاتم آره سنه شایعاً تصرف ایدیان فائخده مغزیالی محمد پاشا محله سنک صراف سوقاغنده کاش محترق بر قطعه خانه عرصه سنک ازاله شیوعی ضممنده حصه داراندن حسن تحسین بک طرفندن کندی نامنه بالاصاله و هوشیره سی موسی الیهما افاقت و جیله خانلر طرفندن بحسب الوکاله دیکر حصه داران موسی الیهم حسن تحسین و علی خلوصی و علی رضا افندیلر ایله اسما خاتم علیلرینه اقامه اولان دعوتیه اوزرینه مدعی علیهمک اقامت کاهلرینک مجهول اولدینی مدعی طرفندن بیان ایدلمش و محکمہ جده اعلاناً تبلیغات اجراسی قرار کیر اوله رق بوباده کی محاکمه ده ٢ شباط ٣٣٧ تاریخده مصادف جهاشنبه کونی زوالی ساعت برده مقرر بولنمش اولدیغندن مدعی علیهم موسی الیهمک یوم و ساعت مذکورده محکمہ ده حاضر بولنلری و یا طرفلرندن بروکیل مصدق کوندرملری لزومی بیان و عکس تقدیرده محاکمه لرینک غیاباً رؤیت اولنه جتی مقام تبلیغده اعلان اولنور .

٦٥
آقسرائی صلح محکمہ سندن :
ازاله شیوعی ضممنده بالزایده فروختی قرار کیر اولان قوجه مصطفی پاشاده علی فقیه محله سنده چنور چشمه سوقاغنده کاش ٦ و ٨ نومرولو ایکی باب خانه نك ٦٥٠٠٠ غروش قیمت تخمینه سی اوزرندن تاریخ اعلاندن بالاعتبار قرق بش کون طرفنده احواله اولیه سی و اون بش کون صکره دخی احواله قطعیه سی اجرا اولنه جفندن طالب اولنلرک پی ایچه صنی حامللاً آقسرائی صلح محکمہ سی اجرا قسمنه مراجعت ایللری اعلان اولنور .

٦٣
غلطه صلح محکمہ سندن :
احسان و مظفر و داود و جواد افندیلر ایله صدبرک و خیریه و میسر و نادره و مظفر خانلرک غلطه ده اوچجی موسی محله سنده مورور سوقاغنده شایعاً متصرف اولدیغلی مکرر درت نومرولو یکدیگرینه متصل اوچ اوطه و بر صوفه و بر قیو و بر حلا و کذا اون ایکی اوطه بر مطبخ و بر قیو و اوچ حلا و ایکی صوفه بی مشتمل ایکی باب خانه نك موقه طالبی عهده سنده احواله سی اجرا قلنه غله احواله قطعیه سنک اجراسی ایچون قرار کیر یلان کانون ثانی نك یکرمنجی بیچشنبه کونی ساعت اوچه قدر یوزده اوچ ضمله طالب اولنلرک غلطه صلح محکمہ سی اجرا قسمنه مراجعتلری اعلان اولنور .

٥٩
بک اوغلی صلح محکمہ سندن :
فروختی محکوم بانفاتی مکتب حربیه قارشو سنده سیل زوقاغنده (١٨) نومرولی بش اوطه بر مطبخ و بر مقدار آبدینلق محلی و مشترک قیو و مشتملات سائر بی حاوی کار کیر خانه نك اشتراسنه طالب اولنلرک ودها زیاده معلومات المی ایستینلرک تاریخ اعلاندن اعتباراً قرق بش کون طرفنده محکمہ من اجرا قلنه مراجعت ایللری اعلان اولنور .

٣٧
امین اوکی صلح محکمہ سندن :
حطب و پوستنده دیر طاش محله سنده قنطار جیلر جاده سنده عتیق الی درت و جدید الی سکز نومرولو بلاکدک بر باب دکان شیوعک ازاله سی ضممنده موقع مزایده

تقویم وقایع

تقویم وقایع نومیسیری تلفون نومروسی : استانبول ٢٤٧٨
امور حربیه و اداره — امور تحریریه ایچون دائره جلیله صدرنده « تقویم وقایع نومیسیری » نه و امور اداره ایچون مطبعه عامره مدیریته مراجعت اولنور .
شرائط امتحان — استانبول و ولايات ایچون پوسته اجرئیه برابر سنه نك آونه بدلی ٦٠٠ غروشدر . ممالک اجنبیه ایچون پوسته اجرئی خارج اولدینی حالده سنه نك آونه بدلی ٥٠٠ غروشدر . آونه معامله سی مطبعه عامره ده اجرا و بدلی آتیمق مطبعه و زنه سنه ارسال و اعطا ایللیدر .
کونی بیچمش لسنه نك فیائی مطبعه دن التیق شرطیه اوچ غروشدر .
اعلانات — افرادک منافعه متعلق اوله رق قانوناً و نظاماً یا خود علاقه دارانک طلبلرینه بنه هواتر دسیه وها که طرفندن درج ایتدیر بیلجک اعلاناتک هر سطرندن اون غروش آتیر . اعلانات خصوصیه قبول اولنماز .
مطبعه عامره